



## Sud Bosne i Hercegovine

## Суд Босне и Херцеговине

Broj: Su-08-73/21

Datum: 18.05.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-72/21 od 18.05.2021. godine u postupku javne nabavke usluge održavanje softvera LOT 4 - VMware vSph Essential Plus (bundle for 3 hosts) – 72267100-0, donosim

**ODLUKU**

o izboru najpovoljnijeg ponuđača za nabavku usluge održavanje softvera  
**LOT 4 - VMware vSph Essential Plus (bundle for 3 hosts)**

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-72/21 od 18.05.2021. godine, te se Ugovor za javnu nabavku usluge održavanje softvera **LOT 4 - VMware vSph Essential Plus (bundle for 3 hosts)** - oznaka i naziv iz JRJN:72267100-0 (održavanje programske podrške za informacijsku tehnologiju) dodjeljuje ponuđaču **“QSS“** d.o.o. Sarajevo, sa sjedištem na adresi Branilaca Sarajeva 20, 71000 Sarajevo sa ponudom broj: 17-04/21 od 27.04.2021. godine i nakon sprovedene e-aukcije za ponuđenu cijenu u iznosu od **1.700,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču **“QSS“** d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka nabavke usluge održavanja softvera po lotovima broj: Su-08-46/21 od 31.03.2021. godine. Javna nabavka je provedena putem otvorenog postupka broj: Su-08-47/21, a procijenjena vrijednost javne nabavke bez PDV-a za LOT 4 je 1.700,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-2-14-3-11/21 od 02.04.2021. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku nabavke usluge održavanje softvera LOT 4 - VMware vSph Essential Plus (bundle for 3 hosts). Komisija je blagovremeno i pravilno izvršila javno otvaranje ponuda dana 27.04.2021. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle četiri (4) ponude (QSS, MIBO KOMUNIKACIJE, VERSO, COMTRADE SYSTEM INTEGRATION); da nije bilo neblagovremeno zaprimljenih ponuda; i da su sve pristigle ponude ponuđača ocijenjene prihvatljivim i u skladu sa tenderskom dokumentacijom.


Za ovaj postupak je predviđena elektronska aukcija (e-aukcija). Sve prihvatljive ponude (QSS, MIBO KOMUNIKACIJE, VERSO i COMTRADE SYSTEM INTEGRATION) su dana 10.05.2021. godine unesene na web portal javnih nabavki BiH radi zakazivanja elektronske aukcije (e-aukcije) i ista je zakazana za dan 17.05.2021. godine. E-aukcija je počela dana 17.05.2021. godine u 11.00 sati a završila je u 11.30 sati. Ponuđači koji su pozvani da učestvuju u e-aukciji (QSS, MIBO KOMUNIKACIJE, VERSO i COMTRADE SYSTEM INTEGRATION) su podnosili nove cijene (nove ponude), te je nakon završetka e-aukcije kreiran izvještaj o toku i završetku e-aukcije (početna i konačna rang lista) ponuda u kojem je utvrđeno da je prvorangirana ponuda ponuđača „QSS“ d.o.o. Sarajevo sa ponuđenom cijenom od \*1.700,00 KM bez PDV-a, drugorangirana je ponuda ponuđača „MIBO KOMUNIKACIJE“ d.o.o. Sarajevo sa ponuđenom cijenom od \*2.036,00 KM bez PDV-a, trećerangirana je ponuda ponuđača „COMTRADE SYSTEM INTEGRATION“ d.o.o. Sarajevo sa cijenom od 1.699,75 KM bez PDV-a, i četvrtorangirana je ponuda ponuđača „VERSO“ d.o.o. Sarajevo sa cijenom od 1.700,00 KM bez PDV-a. \*(prilikom poređenja ponuda ponuđačima QSS i MIBO KOMUNIKACIJE je umanjena cijena ponude za 30% jer su oba dostavili povrdu o preferencijalnom tretmanu domaćeg izdatu od strane Vanjskotrgovinske komore BiH).

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač „QSS“ d.o.o. Sarajevo izabran primjenjujući kriterij najniže cijene koja je ponuđena u iznosu od **1.700,00 KM bez PDV-a**.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



PREDSJEDNIK SUDA  
Ranko Debevec

RD